

## **Wakita na a puwatertaa Paul ge emnde a KAULAUSIYA**

### *Ga use á Paul*

<sup>1</sup> Wakita na yá anƙwa puwaná ba iya Paul, a eksisaa Dadaamiya geni yá gevge slebela á Yaisu \*Almasiihu, ná anƙwa puwaná antara Timaute egdza emmemiya am elva á Yaisu Almasiihu.

<sup>2</sup> Ná puwakurte wakita na ge kure emnde á Dadaamiya na kwá am Kaulausiya. Ekkure, kwa egdzar mama-aha á miya na kwa ɗabete Yaisu Almasiihu an ervaunɗe á kure palle, Ed-demiya Dadaamiya a magakuranmaga ngurna, a vakurteva hairire.

### *Maduwa á Paul ge Kaulausiya-aha*

<sup>3</sup> Ba kelaa ma ná anƙwa maga maduwa aɗaba kure wá, ná slafaná we á nɗere jipu ge Dadaamiya Eddeɗara ge Yaakadada Yaisu \*Almasiihu, ná slafaná we aɗaba kure,

<sup>4</sup> aɗaba cenanɗerancena labare á fetarfire á kure áte Yaisu Almasiihu, antara wayakurwaya an emnde na tá anƙwa ɗaba Dadaamiya baɗemme.

<sup>5</sup> Kwá anƙwa maga una, aɗaba fakurtefa tama á kure áte duksa shagera na a fakuraa Dadaamiya am samaya na. Duksa nanna keni kwa cenán kinekineka am labare á higa na elva a jirire na.

<sup>6</sup> Labare á higa ñanna wá, ñane wá, ba seke njá á nafa, á wálá, daaci á yá egdzere shagera. Adaba hyemhye am duniya bademme. Am kure keni hyemhye ba estuwa. Adaba kwaye ba vacite na kwa cenvaa ge zuññwire geni Dadaamiya magakuránmaga ñgurna jirire na, sem vatena kwá far ba maga ba duksa na shagera.

<sup>7</sup> Ba Aipafra una a de mbakurse labare ñanna, wayañerwáyá jipu dawale ñanna an ervaunđe á ñere palle. Ñere antara ñane, ña emnde a slera á Yaisu \*Almasiihu. Ñane á anƙwa maganá slera ge Yaisu Almasiihu an ervaunđe-aara palle. Daaci ba ñane una gevge sera á ñere antara we á ñere am dagave á kure.

<sup>8</sup> Ba ñane una a se mbedañeru labare á kure geni Shedekwe á Dadaamiya a vakurte mága wayavire ge kure.

### *Jirire á názena á ñalaterwa Paul ge emnde a Kaulausiya*

<sup>9</sup> Adaba una ñanna, kwaye ba vacite na ce-nañeráncená labare á kure, sem vatena, ñá ñala ba Dadaamiya adaba kure, geni kwá diyeddiye názena á kataná Dadaamiya ázekure bademme, antara geni kwá shansha ilmu na á vatertá Shedekwe á Dadaamiya ge emnde na, geni a eƙtsakuraareka enƙale am duksa bademme.

<sup>10</sup> An ilmu ñanna maa, kwá de shá zlá láva na ni á zlayáter ge emnde á Yaakadada, zlá láva na á kataná ñane. Daaci bademme á názena kwá de maganá kure, kwá de maga ba názena á de maganá nampire ge ñane. Diya á kure áte Dadaamiya keni á de farfe ba kelaazare.

<sup>11</sup> Nǎ aṅkwa ṅala Dadaamiya zlaḅe ádaliye geni á gakturvege midale-aha an hakuma-aara na jauje ge duksa baḁemme na, lauktu kwá de gevge emnde a farvaunḁe. Daaci kwá de dzegwándzegwa ḅasha duksa baḁemme.

<sup>12</sup> Slafawananslafa we á kure ge Eddemiya Dadaamiya an higa á kure baḁemme, aḁaba ba ṅane una a magakuraa pute, geni kure keni kwá de lyevalya dza á kure am duksa shagera na a fater ge emnde cuḁeḁe. Duksa ṅanna wá, am zlanna-aara na aṅkwa parakkire jipu na.

<sup>13</sup> Ba ṅane una a lyamise am erva á slekse á tabeḁammire, a samiya á sem kwára á Egdza-aara na wayaawayá jipu na.

<sup>14</sup> Daaci á ba kya erva an Egdza-aara palle, a varamise, a yamiyaarhe.

### *Ngahire á \*Almasiihu antara slera-aara*

<sup>15</sup> Baaka edda una á nanna Dadaamiya an ice, amá Yaisu \*Almasiihu wá, ndza naranna emnde. Nane garava á Dadaamiya, á maramiya njá á Dadaamiya. Ba ṅane una \*Egdza á Dadaamiya, male arge duksa-aha na a nderanaa Dadaamiya baḁemme. Aḁaba ṅane wá, ndza aṅkwa am fakta á duksa baḁemme.

<sup>16</sup> Dadaamiya a nderaa duksa baḁemme á kya erva an ṅane. Duksa-aha na tá am samaya antara una-aha áte haha, duksa-aha na tá nanna emnde antara una tá nanka emnde, malika-aha na tá an hakuma am samaya antara male-aha-aatare baḁemme, Dadaamiya a nderateraa á kya erva an Egdza-aara ṅanna baḁemme, a nderater ba ge ṅane.

17 Zuññwe á ba ñane arge duksa bademme. Duksa bademme á njá an uññule-aara keni, á ñáterá ba ñane an hakuma-aara.

18 Ba ñane una á kwará emnde na fartarfe áte ñane. Ñane wá, ba seke ire, emnde a fetarfe keni ta ba seke vuwa-aara. Ba ñane una fakte á duksa bademme, zuññwe á ba ñane zlabé ádaliye ge tseta am faya, geni a gevge ire arge duksa bademme.

19 Wayetewáyá Dadaamiya geni Egdza-aara á de eksa ba ñane am duksa bademme.

20 A naba magaa pute geni bademme á názena a nderanaa ñane, názena am samaya antara una áte haha, a sharánsha mela antara ñane bademme, adaba uzhe na a puwanvaa Egdza-aara áte dzangala na. A magaa una ñanna geni duksa bademme a sharánsha hairire antara ñane.

21 Werre wá, ndza tegakurevtega antara Dadaamiya, ndza kwa kelaade-aha-aara adaba shagerkire á názena kwa maganaa kure.

22 Amá kina wá, Dadaamiya a magakuraa pute umele ge kure, shakuránsha mela antara ñane adaba emtsa á Egdza-aara am sarte na gevge urimagwe a emtsehe na. A magaa una ñanna geni kwa gevge emnde na dzayye ervaunđe á kure; watse kwá de katafke-aara baaka kwa-zlambire am ervaunđe á kure dekideki.

23 Amá wa, yawánka dába Yaisu \*Almasiihu, tsawaatse ba dzáñdzáñe, gazlauka dekideki, fautefa tama á kure áte názena tá ndahaná emnde a bala labare á higa, elva a Yaisu Almasiihu na. Labare á higa ñanna wá, balaratersebale

ge emnde bademme am huđe á duniya. Ba iya Paul keni ya sleslera á Dadaamiya ba ge balaterá waazu á una nanna ge emnde.

### *Slera na a faraa Dadaamiya ge Paul*

<sup>24</sup> Yá higa jipu am zlada-aaruwa na yá shaná adaba kure. Ba seke una ni Yaisu \*Almasiihu shushe zlada werre na wá, iya keni yá shushe zlada kina, geni yá zlannaazle slera-aara na a shu zlada adaba nane na. Yá shá zlada adaba emnde na ta fetaare áte nane garevge ba seke vuwa-aara na.

<sup>25</sup> Iya, ganevge sleslera á emnde a fetarfe, ba Dadaamiya una a fiyaare slera nanna geni yá melakurumele, yá magaterá waazu á elva-aara ge emnde, yá gulanaaka.

<sup>26</sup> Werre wá, Dadaamiya ndza maraaka elva nanna dekideki ndza á ba an shebe. Amá kina wá, a naba maraterse ge emnde na tá ankwá daba nane na.

<sup>27</sup> Dadaamiya wayetewáyá maratera slera shagera na watse á de maganá nane na ge emnde-aara. Slera nanna wá, baaka argena dekideki an shagerire, ankwá á maganá am dagave á emnde na garevka Yahudiya-aha keni bademme. Amaana: Yaisu Almasiihu ankwá am kure, baaka shaige geni kwá dem zlanna tate na átekwa Dadaamiya an yaikkire-aara.

<sup>28</sup> Ba Yaisu Almasiihu una náj ankwá balaterá elva-aara ge emnde, náj ankwá faterem am tada-aatare ge emnde bademme, náj mbaterse duksa áte nane an ilmu na a vanjertaa Dadaamiya,

adaba n̄á kátá emnde bademme tá vante er-  
vaun̄de-aatare ge Yaisu Almasiihu, tá gyebye  
am elva á Dadaamiya.

<sup>29</sup> Adaba una n̄anna ngudansen̄gude huđe  
geni yá zlanazle slera n̄anna an ndzed̄a na á  
vitá Yaisu Almasiihu.

## 2

<sup>1</sup> Yá kátá kwa cenancena wava yaikke na yá  
an̄kwa maganá ya adaba kure, antara emnde á  
Lawdikiya ira emnde na itare keni narika an ice-  
aatare.

<sup>2</sup> Yá an̄kwa á maga una n̄anna geni bademme  
á kure kwa shansha ndzed̄a ge d̄aba Yaisu  
Almasiihu, kwa wayaavewaya am dagave á kure  
áte ervaun̄de palle, antara geni kwa cenvaacena  
elva na a sakuransehe ge Dadaamiya, daaci kwá  
tsaatse átekwa, n̄ane keni á gá barka áte kure.  
Elva n̄anna ndza an shebe, a sakuransehe ge  
Dadaamiya na wá, ba Yaisu Almasiihu.

<sup>3</sup> Tara en̄kale antara ilmu na á vatertá  
Dadaamiya ge emnde na keni bademme an̄kwa  
am n̄ane.

<sup>4</sup> Yá bakurá una, geni a badakuruka ura umele  
ba dey an elva emtakemtake.

<sup>5</sup> Ma baaka ba ire-aaruwa am dagave á kure  
keni, am ervaun̄de-aaruwa yá á ba am dagave á  
kure. Daaci yá higa jipu áte kure adaba duksa  
bademme kwá an̄kwa maganá á ba áte un̄nule-  
aara, antara adaba dzan̄dzan̄jire á fetarfe á kure  
áte Yaisu Almasiihu.

*Shifa jirire wá, á ba am Yaisu palle*

<sup>6</sup> Ba seke una ni lyakurvalya Yaisu \*Almasiihu ge Yaakadadire na wá, zlááva á kure keni a gevge ba seke una á kataná ñane.

<sup>7</sup> Ba seke nafa, máki á wálá, á vela slalwe-aara á dem haha lauktu á tse degdege na wá, ge kure keni ba estuwa, njawinja degdege am erva-aara, ekhyawanaaka fetarfire á kure, d'abaud'aba á ba áte una ta mbakurseme na. Slafawannaaslafa we á kure ge Dadaamiya ba kelaazare.

<sup>8</sup> Faufa hyema geni a kedakuraaka ura umele ba dey an diya na tá mbesa emnde á ba am duniya na, baaka nampire-aara d'ekid'eki, adaba saaka á sawa aza Yaisu Almasiihu, á sawa aza jini-aha antara male-aha-aatare.

<sup>9</sup> Ba Yaisu Almasiihu palle una a de eksa Dadaamiya am njá-aara bademme.

<sup>10</sup> Daaci am nja á kure antara Yaisu na wá, shakuransha duksa bademme am shifa á kure. Ñane wá, malika-aha na tá an hakuma am samaya bademme, tá á ba am erva-aara.

<sup>11</sup> Gakurevge tsawe palle antara Yaisu Almasiihu wá, dakuremda am shedekwe. Amá dema am shedekwe na tá maganá emndimagwaha-ka, á maganá Yaisu Almasiihu an hakuma-aara. Amaana: a mbedakurse ervaund'e á kure na ndza á dákurá á dem haypa na.

<sup>12</sup> Am sarte na ta magakuraa baptisma, una ñanna á m'ará una ni kwa tsetaa am faya átirpalle antara ñane. Fakurtarfe geni Dadaamiya a tsante ñane am faya an hakuma-aara, fakurtarfe geni á de tsakurtetse kure keni.

<sup>13</sup> Werre, ndza kwa ba seke emtsa-aha am ice á Dadaamiya adaba haypa-aha á kure, an-

tara adaba ndza diyakurka shairiya-aha-aara. Amá kina wá, Dadaamiya a vakurtaa shifa anwaslire átirpalle antara Yaisu Almasiihu, a naba yamiyaare haypa-aha á miya bademme.

<sup>14</sup> Haypa-aha nanna wá, ndza ba seke gema áte miya, hyephye ge mbedamiya am shairiya. Amá Dadaamiya a naba yamiyaa gema nanna, á ndavamiyuka mazla-aara adaba emtsa á Yaisu Almasiihu áte dazngala.

<sup>15</sup> A ganaa á ba áte dazngala nanna midalire arge jini-aha antara male-aha-aatare bademme, a sluwatervaahe, a jaterse zherwe á katafke á emnde bademme.

<sup>16</sup> Máki estuwa, a mberzarakurka geni labara kwa za una? Bi labara kwa sha una? Labara magakurka munri na? Bi náza ja tere na antara kwaskwe á puwansepuwe?

<sup>17</sup> Bademme á una-aha nanna ndza miyenne-aareka emtsaade, ndza ba ge ufa duksa shagera na á de sawa na. Duksa nanna wá, ba Yaisu \*Almasiihu.

<sup>18</sup> Tá ankwá emnde umele, ta ganve ire-aatare ba seke ta emnde na wayarka gálá ire, tá ankwá baterán ge emnde umele keni geni gálá ire wá, shagerka, tá baterán ge emnde geni a yekaryeka an zhera á malika-aha, wayarwáyá jipu ge bálá názena tá zharaná am shene-aha-aatare keni. Jeba á emnde nanna wá, ta gala ire ba dey, dzama ire-aatare ba dzama ire á emnde am duniya. Vawaterteka barama ge maga una nanna am dagave á kure, a tegarakuraaka antara duksa shagera na á katafke á kure.

<sup>19</sup> Itare, ta yiyiye an Yaisu Almasiihu na nane



ire na, emnde na tá d̄aba ṅane bademme ta vuwa-aara. Daaci máki mí d̄aba ba ṅane, vuwa bademme, dzagwa á ubiya-aha antara perde-aha tá wálá á ba áte unṅule-aara, áte una á kataná Dadaamiya.

*Emtsa átirpalle antara Yaisu, tsete átirpalle antara Yaisu*

<sup>20</sup> Diyakurdiya geni emtsakuramtsa átirpalle antara Yaisu \*Almasiihu, daaci baaka hakuma á jini-aha áte kure mazla-aara emtu? Ay ba estuwa wá, labara kwá njá ba seke mága á emnde na diyarka Yaisu Almasiihu na? Labara kwá fatersarfe ge shairiya-aha na a ba itare:

<sup>21</sup> Gawanávteka ge duksa estuwa, zauka duksa estuwa, fauka erva áte duksa estuwa na?

<sup>22</sup> Ad̄aba jeba á shairiya-aha ṅanna, tá ndaha ba elva á názena á de zlauzle á ba am duniya na. Ta jansaara ba emnde ge una-aha ṅanna.

<sup>23</sup> Ge jirire wá, má ká cena shairiya-aha ṅanna wá, ká cenán ba seke náza vante en̄kale ge ura. Ad̄aba a ba itare: sey kwá maga duksa ba kwakya ge d̄aba Dadaamiya, sey kwá ganaaga ire á kure ba shagera, kwá ámbera maganá laruwa ge ire á kure. Amá una-aha ṅanna bademme á de melakuruka dekideki geni kwá kwarukware ervaun̄de á kure am emtan̄kire á názena á kátá maganá vuwa á kure bademme.

### 3

<sup>1</sup> Diyakurdiya geni Dadaamiya a tsakurtehe am faya átirpalle antara Yaisu \*Almasiihu emtu? Ad̄aba una ṅanna tatayautátaya kazlaṅa na am

samaya am tate na aṅkwa á njá Yaisu Almasiihu am naɗafa á Dadaamiya.

<sup>2</sup> An eṅkale á kure baɗemme, dzamaudzama ba kazlaṅa na am samaya na, dzamauka kazlaṅa na am duniya.

<sup>3</sup> Aɗaba diyakurdiya geni shifa á kure werre na wá, emsamtsa, Dadaamiya a tsakurtehe átirpalle antara Yaisu Almasiihu. Daaci shifa á kure aṅwaslire aṅkwa antara Yaisu Almasiihu, a shebakuranvehe ge Dadaamiya ázeṅara.

<sup>4</sup> Ge jirire wá, shifa á kure ba Yaisu Almasiihu. Má de jesarja ṅane, kure keni kwá de jesarje an ṅane átirpalle am yaikkire-aara.

### *Zláláva werre antara náza vatena*

<sup>5</sup> Aɗaba una ṅanna, shagerkire á názena jauje am ervaunɗe á kure na sawansese baɗemme, a gevge ba seke lipa á katafke á kure. Yawanya dakarire antara gwardzire antara mága em-taṅkire na á kátá maganá vuwa á kure baɗemme, antara waya duksa an ervaunɗe á kure baɗemme. Aɗaba má kwá waya duksa an ervaunɗe á kure baɗemme, duksa ṅanna gevge ba seke dadaamiya á kure.

<sup>6</sup> Kwaya ṅane názena ni á piyaterterte ge emnde geni a faransareka ge Dadaamiya. Aɗaba una ṅanna tá aṅkwa am ervaunɗe á Dadaamiya.

<sup>7</sup> Kure keni, am sarte na zlaɓe sakurseka am duksa-aha ṅanna, zláláva á kure ndza ba estuwa.

<sup>8</sup> Amá kina wá, puwanvepuwe kazlaṅa-aha na baɗemme, mága ervaunɗe, mága kemaṅgerire, zlazla ura antara elva yaihyaihe.

<sup>9</sup> Magawaterka fida ge emnde, adaba kure sakuresse am zlalava werre, puwakuranvepuwe kazlana werre bademme,

<sup>10</sup> kwa eksante zlalava umele anwaslire. Una nanna keni a eptsakuranta ba Dadaamiya. Ba nane una a de gakanvege ervaunde a kure anwaslire ba kelaazare, geni a gevge ba seke naza-aara, daaci kwa de diyeddiye Dadaamiya ba shagera.

<sup>11</sup> Daaci estuwa, baaka una Yahudiya-aha, una emnde a jeba umele. Baaka una emnde na ta am shedekwe, una emnde na ta baaka am shedekwe. Baaka una emnde na weraaka ire-aatare, una emnde na ta a kataliya a emnde bademme. Baaka una nave-aha, una emnde na ta kwara ire-aatare. Bademme a emnde ta ba kalkale aza Dadaamiya. Adaba ba Yaisu \*Almasiihu palle una ura yaikke, ankwa a nja am ervaunde a emnde-aara bademme.

<sup>12</sup> Diyakurdiya geni zunwe a wayakurtaa ba Dadaamiya emtsaade, daaci a naba dzerakursehe geni kwa gevge emnde-aara. Adaba una nanna, gawevge emnde a zavarze, emnde a maggwire a sawa am ervaunde, gawevge emnde a kemaare, emnde a ga ire a katafke a emnde umele, ira emnde a farvaunde.

<sup>13</sup> Faufa ervaunde am dagave a kure. Ma ura a naba magakurte emtanpire, naba yawanarye haypa-aha-aara. Yaakadada a miya a naba yamiyaare ge miya. Adaba una nanna, kure keni yawateraarye ge emnde umele.

<sup>14</sup> Duksa yaikke wa, wayawavewayaya am dagave a kure. Adaba ba wayava palle una a

jatermaare ge emnde bademme.

<sup>15</sup> Hairire na a vakurtaa Yaisu Almasiihu na wá, yawanya a shapteshe am erwaunde á kure. Adaba Dadaamiya a dahakur ba ge una nanna, geni kwá gevge ba seke vuwa á ura palle. Daaci slafawanaslafa we á kure ge nane.

<sup>16</sup> Yawanya a hyemhya elva á Yaisu Almasiihu am vuwa á kure. Tsahautsáha ba shagera am dagave á kure. Fawanemfa am vuwa ma ge ware á kure keni am dagave á kure, an ilmu na a vakurtaa Dadaamiya. Galaugala Dadaamiya an jabura, galaugala an lahe á emnde-aara, galaugala an lahe na ni kwa jansaare an hakuma á Shedekwe Cufedde. Galaugala Dadaamiya an lahe-aha nanna kwá ámbera slafaná we á kure an higa am erwaunde.

<sup>17</sup> Slera á kure antara názena kwá ndahaná kure bademme, magaumága an zhera á Yaakadada Yaisu Almasiihu. Slafawanaslafa we á kure ge Eddemiya Dadaamiya an zhera-aara.

*Shairiya-aha geni a njarinja emnde a fetarfe áte uññule-aara*

<sup>18</sup> Ekkure ñwasha-aha, faufa zherwe áte zala-aha á kure, ba seke una á zlayater ge emnde a daba Yaakadada.

<sup>19</sup> Ekkure keni zala-aha, wáyáuwaya an ñwasha-aha á kure, fauka zlada áte itare.

<sup>20</sup> Kina wá, yá elvan ge kure egdzara: Fawatersarfe ge dada-aha a kure antara mama-aha a kure am duksa bademme. Adaba má kwá maga una nanna, Yaakadada wayaawaya jipu.

<sup>21</sup> Ekkure dada-aha á egdzara, fauka zlada áte egdzara á kure ba dey, adaba má estuwa, á de nezla ervaunđe á egdzara jipu.

<sup>22</sup> Yá elvan ge kure kina nave-aha: Fawater-sarfe ge dada-aha á kure am duksa bademme. Magawaterka slera adaba ice-aatare geni tá de zlebakurzleba, amá magawateranmaga slera an ervaunđe á kure palle adaba fa-zherwe á kure áte Yaakadada á miya Yaisu \*Almasiihu.

<sup>23</sup> Ma ta fakuraare ba slera-ara keni, magaumága an ervaunđe á kure palle ba seke ta fakuraara emnde-ka slera nanna, kwá maganán ba ge Yaakadada Yaisu Almasiihu.

<sup>24</sup> A viyakuraareka geni ba Yaakadada Yaisu Almasiihu una á de vakurte lafa á kure. Názena a fater ge emnde-aara am samaya na wá, á de vakurteva ge kure keni. Daaci edda á kure na kwá maganá slera kina wá, ba Yaisu Almasiihu.

<sup>25</sup> Amá edda una á magá emtaŋkire, nane keni á de pelansepele Yaakadada emtaŋkire-aara ma ware edda-aara keni, adaba Yaakadada wá, á de eggerka emnde dekiŋeki.

## 4

<sup>1</sup> Yá elvan ba ge kure dada-aha á nave-aha: Nawateraana nave-aha á kure an jirire, magaumaga antara itare an unŋule-aara. A viyakuraareka geni kure keni aŋkwa Edda á kure am samaya.

*Magaumága maduwa*

2 Yawánka mága maduwa d'ekidfekei, ekkudfauka ge maga maduwa kwá ámbera slafaná we á kure ge Dadaamiya.

3 Má kwá maga maduwa á kure wá, magaumága maduwa arge ñere keni, geni Dadaamiya a vañerteva barama antara nara shagera ge balatera waazu á elva-aara ge emnde, ña palaternaapala jirire á elva á Yaisu \*Almasiihu na ndza an shebe werre na baðemme. Diyakurdiya yá am danğay kina keni, ta siya ađaba ba una ñanna.

4 Magaumaga maduwa geni a meliyumele Dadaamiya, ya palaternaapala elva-aara ge emnde an unñule-aara.

5 Magaumága enjkale am zlaláva á kure am dagave á emnde na zlaɓe d'abarka Yaisu Almasiihu. Keɗawanaaka sarte shagera na a vakurtaa Dadaamiya geni kwá melaterumele na.

6 Tsatsawanaatsatse elva am mbuwe á kure ba shagera, a gevge emtake ba seke izhe. Diyaweddiye geni kwá de vanta estara jawapa shagera ge edda una á de ndava elva ázekure baðemme.

*Ga use á Paul am halavuwa á elva*

7 Tikikus, ba ñane una egdza emmemiya na wayamiwaya jipu, ñane keni anƙwa á maga slera á Yaisu \*Almasiihu an ervaunɗe-aara palle, ñere antara ñane wá, ña maga ba slera á Yaakadada palle. Á de bakuránba ñane labare-aaruwa baðemme.

8 Yá bela ñane á dezekure, geni á de bakuránba ñane labare á ñere, á de vakurte antara ndzeɗa.

9 Ya anƙwa bela Unaizimus egdza emmemiya na wayamiwaya jipu na á duwa antara ñane

á dezekure. Unaizimus wá, palle á kure ba ge kure, ñane keni ba sledaba Yaisu Almasiihu an ervaunđe-aara palle, tá de bakuránba itare názena á magavá áhuna bađemme.

<sup>10</sup> Tá aŋkwa gaktur use-aatare tara Aristarkus, ñane una ña kerđe am danğay, ta antara Markus ñane palle á kudere-aha-ñara ge Barnabas. Má dámdá Markus á dezekure wá, lyauvalya á ba an higa ba seke una ndza ya ndakurndaa na.

<sup>11</sup> Áŋkwa á gaktur use-aara Yaisu na tá dahaná an Yustus na ñane keni. Sey ba emnde keye ñanna njanđe am Yahudiya-aha una tá aŋkwa maga slera antara iya áhuna ge sa emnde á sem \*kwara á Dadaamiya. Ba itare una tá aŋkwa vite ndzedfa jipu ahuna.

<sup>12</sup> Á aŋkwa gaktur use-aara Aipafras keni, ñane keni palle á kure ba ge kure, sleslera á Yaisu Almasiihu. Ba kelaazare á maga ba maduwa arge kure an ervaunđe-aara palle, geni kwá tsaatse dzaŋdzaŋe, kwá gevge emnde na gyairebgye am elva á Dadaamiya, antara geni kwá dabetedaba názena á kataná Dadaamiya.

<sup>13</sup> Yá aŋkwa zharaná á ba an ice-aaruwa wáva-aara ge magakuru slera ge kure antara emnde á Lawdikiya, antara ge emnde á Hiyairapaulis bađemme.

<sup>14</sup> Tara Lukas, dauktar á miya na wayamiwaya jipu na, ta antara Daimas, tá aŋkwa gaktur use-aatare itare keni.

<sup>15</sup> Gawaterga use-aaruwa ge egdzar mama-aha á miya emnde a fetarfe na tá am Lawdikiya. Gawanga use-aaruwa ge Nimfa keni antara

emnde a fetarfe na ta jahava á mba-aara na baɗemme.

<sup>16</sup> Ma ndakursendahe nalmesheri na am dagave á kure wá, vawarterteva ge aiklaisiya á Lawdikiya keni, itare keni a de ndarndaha am dagave-aatare. Emnde á Lawdikiya keni, a velarakurtevela umele na ta shanaa itare na, geni kure keni kwá se ndaha una ɲanna zlabɛ ádaliye am dagave á kure.

<sup>17</sup> Bawanánba ge Arkipus wá: Slera na a faara Yaakadada Yaisu Almasiihu geni a magannaam-aga na wá, a ewwáva geni á zlannaazle.

<sup>18</sup> Am tate na náwa ɲane na wá, yá anƙwa puweta ba iya Paul an erva-aaruwa geni yá gaku use. A viyakuraareka geni yá am dangay na. A vakurteva Dadaamiya hairire.



**Wakita á Dadaamiya**  
**La Bible en wandala**

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 25 Aug 2024 from source  
files dated 29 Jan 2022

dec75dd5-4784-5059-aa00-668d508a6b0d